

**Tuluit Nunaata Peqatigiilluni Kunngeqarfiusup Nordirlandillu
naalackersuisuisa aamma Kalaallit Nunaanni naalackersuisut
aalisarneq sammisallu attuumassutillit pillugit
suleqatigiinnerunissaq pillugu isumaqatigiissutaat**

Tuluit Nunaannut Peqatigiillutik Kunngeqarfiusumut Nordirlandimullu naalackersuisut aamma Kalaallit Nunaanni naalackersuisut (tulliuttuni taaneqassapput "peqataasut")

Namminersorneq pillugu Inatsit nr. 473, 12. juni 2009-meersoq naapertorlugu Kalaallit Nunaata isumaqatigiissummik taassuminnga atsiornissaa EQQARSAATIGINEQASSASOQ;

Namminersorneq pillugu Inatsimmi Kalaallit Nunaata kalaallit imartami aningaasarsiornikkut oqartussaaffigisaanni oqartussaaffigisani suliarisassagaa EQQARSAATIGINEQASSASOQ,

Peqataasut akornanni pitsaasumik attaveqarnerit ineriartortinnissaat, nukittorsarnissaat annertusarnissaallu KISSAATIGINEQARTOQ, pingaartumik suliat aalisarnermut imaanullu tunngassutillit eqqarsaatigalugit.

Namminersorluni suliffiuteqartuni nunat marluk niuernikkut periarfissaasa suleqatigiinnissaasalu annertusarnissaat pillugit peqataasut kissaateqarnerat EQQARSAATIGINEQASSASOQ,

Aalisakkat ataatsimoorussat piujuaannartinnissaannut aqunneqarnerannullu aamma aalisakkanut noorarnikkaanut tunngatillugu Imaq pillugu inatsit pillugu Naalagaaffiit Peqatigiit isumaqatigiissutaanni 10. december 1982-imeersumi aalajangersakkat atortussanngortinnissaat pillugu Naalagaaffiit Peqatigiit Imaani inatsiseqartitsineq pillugu isumaqatigiissutaat 1982-imeersoq aamma 1995-imeersoq INNERSUUSSUTIGINEQASSASUT,

Tunngaviliunneqartut akisussaassuseqartumik aalisartoqartarnissaanut ileqqorissaarnissaq pillugu aalajangersarneqartut FAO-imi 1995-imi ataatsimeersuarnermi akuersissutigineqartut pingaaruteqassusaat ILISIMANEQASSASOQ,

Issittup imartaata qiterpasissuani 2018-imi imaani malittarisassaqaarnani aalisarnerup pinngitsoortinnissaa pillugu isumaqatigiissutip atsiornera NUANNAARUTIGINEQASSASOQ,

Aalisagaqatigiinnik, pingaartumik aalisakkanik ataatsimoorussanik, peqataasut marluullutik naalagaaffittut sineriaqarfigisaannik piujuartitsinissaq piujuartitsinermillu tunngaveqarluni aqutsinissaq pillugit peqataasut suleqatigiittoqarnissaanut illugiillutik soqutiginninnerat pisussaaffeqarnerallu AKUERINEQASSASOQ,

Aalisarnerit aamma imaani tatsinilu sammisat ilisimatuussutsikkut siunnersuinerit pissarsiarineqarsinnaasut pitsaanerpaat tunngavigalugit aqunneqarnissaasa qulakkeernissaat AALAJANGIUSIMANEQASSASOQ,

Aalisarnerit aamma imaani tatsinilu sammisat nerisaqaqatigiinnik tunngaveqarluni periaaseq malillugu aqunneqarnissaasa qulakkeernissaannut PISUSSAAFFEQASSASOQ, taamaaliornikkut imaani nerisaqaqatigiinnut ajortumik sunniuteqartarnerat minnerpaaffianiitinneqassamat, periarfissaqarpallu utertitsisoqarsinnaatillugu,

Piujartitsinermik tunngaveqarluni aalisarnerup siuarsaaffiginissaanut anguniagaqarnerminni imaani pisuussutitik annerusumik piujartitsinissap, pilersitseqqinnissap aamma pitsanngorsaanissap pingaaruteqassusiannik PAASINNISSASUT,

Isumaqatigiissutitik tullinnguuttunik atsiussasut:

1. Peqataasut UK-p Kalaallillu Nunaata aalisarnerq pillugu oqaloqatigiittarfissaannik pilersitsiniarput (matuma kingorna "aalisarnermut oqaloqatigiittarfik" taaguugitineqassaaq), tassanilu peqataasut suliassat sammisassallu allat attuumassutillit pillugit paasissutissanik avitseqatigiittarnissaq suleqatigiinnissarlu oqaluuserisassavaat, kisiannili ukununga killiligaanngisumik:
 - a. Aalisarnermik aqutsineq, tassani ilanngullugit aalisarnermik nakkutiginninnermut, nakkutilliinnermut eqqortitsinissamullu peqataasut namminneq aalisarnermut aqutseriaasii,
 - b. Aalisarnermut, imaani tatsinilu aalisagaqarnermut suliareqqiisarnermullu tunngatillugu sammisat (soorlu taakkununga tamanut atatillugu: nutaaliorsinnaanerup pitsanngorsarnissaa, eqqagassat minnerpaaffianiitinnissaat, aalisakkanik tunisassiat sumiissusersisinnaanerat pilerisaarutiginnissaallu kiisalu nalillit, siammarterisarnerit assartuisarnerillu tamakkiisunngortinnissaat),
 - c. Piujartitsinerunissaq, imaani pisuussutitik pilersitseqqinnissaq pitsanngorsaanissarlu, peqataasullu piujartitsinermik tunngaveqarluni aalisarnissap anguniarnerani ilungersuuteqarnerat pillugit sammisat,
 - d. Sammisanut immikkoortoq b-mi nassuiarneqartunut atatillugu peqataasut namminneq namminersortuutiminni suleqatigiinnerup siuarsarnissaa nukittorsarnissaalu,
 - e. Suliat nunani tamalaani oqallittarfinni aalisarnermut tunngassuteqartunut attuumassutillit suliarineqartartut, tassunga ilanngullugu oqallittarfinni taamaattuni tapersersoqatigiittarnissamat periarfissat. (Oqallittarfinni attuumassutillinni assersuutissanut ilaapput Atlantikup avannamut kitaani

imartami naalagaaffiit sineriallit akornanni aalisakkat ataatsimoorussat pillugit ataatsimiittarnerit), aamma

- f. Ilisimatuussutsikkut ilinniagartuutullu ilisimasaqarneq, sulisarneq misilittagaqarnerlu, soorlu ilisimatuut, ilisimatusarfiit ilinniagartuullu suliffeqarfiisa akornanni suleqatigiinnerup siuarsarnissaa nukittorsarnissaalu.

2. Aalisarnermut oqaloqatigiinnermi peqataasut aammalu:

- a. Suliffeqarfiit suleqatigiiffiillu namminersortuniittut allat aalisarnerit, suliareqqiisarnerit pilerisaarinerillu iluanni pisuussutininik atuinissamik tamakkiisunngortitsisuni nutaaliornissaq siunertaralugu aamma ilisimatuussutsikkut ilisimatusarnerit nutaaliernerillu atorneruneranni tapersersuinissaq siunertaralugu katersuutsissinnaavaat;
- b. Sammisat immikkuullarissut oqallisiginissaannut immikkut ilisimasallit ataatsimiinnissaat aaqjissuussinnaavaat, aamma
- c. Suliniutinik pilersitsisinnaapput, soorlu ilisimatuussutsikkut ilisimatusarnikkullu suliniutit allat, matumani sammisat immikkuullarissut suliarisarnissaat aamma nunat marluk suleqatigiinnerisa annertusaaffiginissaat siunertaralugit.

3. Aalisarnermut oqaloqatigiittarfik ataatsimiinnernik angusaqarfiusartussanik ingerlatsiffiussaaq, tamakkulu ukiumut ikinnerpaamik ataasiarluni pisassapput kiisalu ad-hoc ataatsimiinnerit allatullu peqataasut akornanni attaveqatigiinnerit pisassallutik.

4. Peqataasut aalisarnermut oqaloqatigiittarfimmi ataatsimiinnissanut piffissaq sumiiffissarlu aalajangertassavaat, Kalaallit Nunaata aamma Tuluut Nunaata Ataatsimoorluni Kunngaqarfiup Nordirlanidillu akornanni ataatsimiittarnissat aamma ataatsimiinnerit angusaqarfiusartussat akornanni paarlaaqatigiittarnissaq immikkoortoq 3-mi nassuiarneqartoq anguniartassallugu. Ataatsimiittarnissat angusaqarfiusussat immikkoortoq 3-mi nassuiarneqartut pisariaqassappallu video aqqutigalugu ataatsimeersuarnerit imaluunniit atortut elektroniskiusut allat ikiorsiullugit ingerlanneqarsinnaapput.

5. Immikkut ilisimasallit siunnersortaasullu allat aalisarnermut oqaloqatigiittarfiup ataatsimiinnerani peqataasut isumaqataaffigisimasaanni peqataasinnaapput.

6. Aalisarnermut oqaloqatigiittarfimmut aallartitassamik aallartitassanilluunniit peqataasut tamarmik immikkut toqqaasassapput. Aallartitassanut tunngatillugu allannguutissat pillugit peqataasut imminnut ilisimatissapput.

7. Isumaqatigiissutaasoq tamanna:

- a. Ullormi 1. januar 2021 atuutilissaaq, aamma
- b. Isumaqatigiissut peqataasut arlaannit qaammatinik arfinilinnik sioqqutsilluni peqataasumut allamut allakkatigut kalerriuteqartoqarnissaa tikillugu atuutissaaq.

Siuliani erseqqissarneqartut tassaapput sulianut isumaqatigiissummi matumani pineqartunut peqataasut isiginninnerat.

Tuluttut marlunngorlugit (sumiiffik) (ulloq) atsiorneqarpoq.

Tuluit Nunaata Peqatigiilluni Kalaallit Nunaanni Namminersorlutik
Kunngearfik aamma Nordirland Oqartussat sinnerlugit